



UNIVERSITÄTS-  
BIBLIOTHEK  
PADERBORN

**Claudii Fleurii Abbatis Historia Ecclesiastica**

Ab anno Christi 1479. usque ad annum 1494

**Fleury, Claude**

**August. Vind. [u.a.], 1768**

**VD18 90118340**

§. 76. Gregorii Trapezuntini extrema.

---

[urn:nbn:de:hbz:466:1-66444](#)

Sæcul. XV  
A C 1487

& Comm. lib.  
7 Lusin.  
hist. Cypri.

nominis Rex, & Helena Palæologa Theodori Moreæ Despotis Filia, Romæ die decima sexta Julii ex Paralyfi diem supremum clausit. Hæc variis adversantibus fortunæ casibus jactata, a Jacobo Spuffio fratre suo regno exuebatur, hinc primum in Sabaudiam, postea Romanam secessit, ubi præsente summo Pontifice ac Cardinalibus quam plurimis omnes suas ditiones Carolo Sabaudiæ Duci dono reliquit.

### §. LXXVI.

#### *Greorgii Trapezuntini extrema.*

*Paul. Nov.* Ad hunc, aut certe ad priorem annum  
*in elog. c. 25.* revocandus est Gregorii Trapezuntini  
*Vessius de hist. lat. l. 3<sup>o</sup> e. 8.* Viri inter Græcos scientia longe præstantissimi obitus. Vivis erectum planxit Roma, quo ante captam Constantinopolis urbem, sedente Eugenio IV. Pontifice sese repererat, ac pluribus annis Rheticam & Philosophiam docuerat. Nicolao V. Pontifici ab epistolis erat, pluresque libros latino sermone elucubrabat; plures vero græce conscriptos latine reddebat, ac denique posteritati relinquebat Epistolam ad Joannem Paleologum, qua eum, ut Basileam quantocius veniret, adhortatus est; scripsit etiam duos Tractatus de processione Spiritus sancti adversus Græcorum sententiam: hos libros Leo Allatius in primo Tomo suæ Græ-

Græciæ Orthodoxæ publici juris fecit. **Sæcul. XV.**  
 In eorum altero agit Gregorius de uni- **A.C.1487.**  
 tate Ecclesiæ Catholicæ, necnon de Pri-  
 matu Ecclesiæ Romanæ, ubi affirmat,  
 quod quinque Patriarchales Ecclesiæ,  
 servato dignitatis ordine, quodammodo  
 inter se subordinentur, atque vacante  
 Romana Sede universalis Ecclesiæ regi-  
 men Constantinopolitano Patriarchæ de-  
 ferendum sit. Præterea orationem edi-  
 dit in hæc Christi Domini verba : *Si eum Dupin Bibl.  
 volo manere, donec veniam Joan. c. 21. v. Script. 1<sup>tono</sup>  
 28. ex quo S. Joannem nunquam mor-  
 tem subiisse insert: Inter ejus opera etiam  
 recensetur Historia de Martyrio S. An-  
 dreæ Chiensis a Turcis occisi. Ex Græ-  
 co idiomate in latinum transtulit S. Cy-  
 rilli commentarios in Joannem, ejusdem  
 que quatuordecim tractatus de Trinitate,  
 necnon plures Homiliae S. Chrysostomi;  
 tractatum S. Gregorii Nisseni de vita  
 Moysis, libros S. Basiliī contra Euno-  
 mium, & tractatum Eusebii de præpa-  
 ratione Evangelica. Adeo honorificam de  
 Aristotelis doctrina opinionem concepit, ut  
 nonnisi cum contemptu de Platonica  
 mentionem faceret, quod tamen Trape-  
 zuntini studium Cardinalis Bessarion exi-  
 mius Platonis fautor suggillabat. Tan-  
 dem Gregorius summa senectute confe-  
 stus, omniumque literarum, quas olim  
 didicerat, penitus oblitus, Romæ dece-  
 sit;*

Sæcul. XV. sit ; hunc Andreas ejus Filius contra  
A.C. 1488. Theodorum Gazam admodum enervi A-  
pologia vindicabat.

## §. LXXVII.

*Mors Alexandri de Imola.*

*Richard. in  
vis Juris-  
conf.*

*Leand Al-  
berti descrip.  
Ital.*

*Passevin. in  
Appar.*

**E**odem anno Alexander Tartagnius, ab  
ortus sui loco dictus de Imola, cele-  
bris Jurisconsultus naturæ debitum sol-  
vit, annos natus quinquaginta quatuor.  
Sepultus est Bononiæ in Ecclesia FF. Præ-  
dicatorum, ubi sepulchrum in ejus hono-  
rem conditum e marmore exurgit. Ma-  
gistrum habuit Joannem de Imola, ipse  
vero summa laude solidos triginta annos  
Juris præcepta Parisiis, Ferrariæ, ac  
Bononiæ tradidit. Scripsit Commenta-  
rium in sextum librum Decretaliū, &  
in *Clementinas*, præter complures alios  
juris civilis tractatus, qui omnes Ven-  
etis, Francofordiensibus, & Lugdunen-  
sibus litteris excusi prostant. Ejus quo-  
que vita a Nicolao Antonio Gravatio de-  
scripta tractatui de consiliis præfixa ha-  
betur.

## §. LXXVIII.

*Maximiliani contentio cum Flandris.*

**H**oc anno millesimo quadringentesimo  
octogesimo octavo Romanorum Rex  
Carolo de Manneville negotium dedit,  
ut